

جدوال قمبراچان خطبه جمعة

Siri 3/ 2023

(Bulan Mac Tahun 2023)

ب	تاجوق	تاریخ	موک سورت
1.	شعبان: بولن عبادہ دان قغامقونن	3 Mac 2023M/ 10 Syaaban 1444H	3
2.	چینتا سوغسغ	10 Mac 2023M/ 17 Syaaban 1444H	9
3.	مرتبکن وانیتا	17 Mac 2023M/ 24 Syaaban 1444H	16
4.	اهلا یا رمضان	24 Mac 2023M/ 2 Ramadan 1444H	22
	خطبه کدوا		28

دبیایای:



زکاة فولو فینغ

دتریبتکن:



جابتن حال إحوال اگام اسلام فولو فینغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Cinta Songsang

(10 Mac 2023M / 17 Syaaban 1444H)

الْحَمْدُ لِلَّهِ الْقَائِلِ: فَأَخَذَتْهُمْ الصَّيْحَةُ مُشْرِقِينَ ﴿٧٣﴾ فَجَعَلْنَا عَلَيْهَا سَافِلَهَا وَأَمْطَرْنَا
عَلَيْهِمْ حِجَارَةً مِّن سِجِّيلٍ ﴿٧٤﴾ سورة الحجر
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.
أَمَّا بَعْدُ ، فَيَا عِبَادَ اللَّهِ ، اتَّقُوا اللَّهَ ، أَوْصِيكُمْ وَآيَايَ بِتَقْوَى اللَّهِ
فَقَدْ فَازَ الْمُتَّقُونَ.

SAUDARAKU SIDANG JUMAAT SEKALIAN,

Saya menyeru kepada diri saya dan hadirin agar bertakwa kepada Allah **سُبْحَانَهُ وَتَعَالَى** dengan sebenar-benar takwa iaitu dengan melakukan segala perintah-Nya dan meninggalkan segala larangan-Nya. Marilah kita sama-sama meningkatkan amal soleh kita khususnya di bulan Syaaban ini sebelum memasuki bulan yang terdapat ganjaran yang lebih besar iaitu bulan Ramadhan.

Khatib ingin mengingatkan agar jemaah meninggalkan urusan dunia sebentar, pasangkan *mode* senyap pada telefon bimbit, jangan berbual-bual, tidak menggerakkan tabung kutipan Jumaat serta berikanlah sepenuh perhatian kepada khutbah pada hari ini. Jadikanlah khutbah ini sebagai panduan diri dan pengisian yang akan dibawa pulang



kepada keluarga. Justeru, marilah kita sama-sama mendengar khutbah yang bertajuk: **“Cinta Songsang”**.

SIDANG JUMAAT YANG DIRAHMATI ALLAH SEKALIAN,

Pernahkah kita mendengar kisah keretakan rumahtangga yang berlaku akibat naluri songsang si suami pada sesama jantina? Pernahkah kita mendengar kemusnahan rumahtangga akibat isteri yang terjebak dengan sebab yang sama?

Cinta songsang adalah satu fenomena yang berpotensi menggugat dan mengancam kestabilan rumahtangga. Permasalahan kecelaruan jantina dan cinta sesama jenis bukan masalah baharu. Kecenderungan melakukan hubungan intim dengan kaum sejenis boleh meruntuhkan institusi keluarga, masyarakat dan negara.

Ya, isu ini mungkin suatu yang agak janggal bagi kita, tetapi realitinya kisah-kisah sebegini semakin merebak dalam kalangan masyarakat. Keinginan untuk melakukan perbuatan keji sesama jantina amat dipandang hina dalam Islam. Imam Az-Zahabi di dalam kitabnya *Al-Kabair* menyenaraikan sebagai salah satu daripada dosa-dosa besar.

Golongan ini secara umumnya bergerak melalui teknologi komunikasi terutama *internet* yang menjadi saluran utama masa kini. Melalui *platform* yang sama, mereka juga sering mendapatkan maklumat terkini mengenai amalan tidak sihat itu.

Tambahan pula, kemunculan aplikasi-aplikasi khusus bagi golongan tersebut yang membuka landasan lebih besar untuk mereka saling berhubungan dalam kelompok yang sama tanpa gangguan mana-mana pihak.

Lebih membahayakan apabila pasangan suami atau isteri yang mempunyai tabiat keji ini. Mereka akan mula mengabaikan pasangan masing-masing dan leka dengan kekasih gelap mereka.

Cinta songsang juga kadangkala boleh berlaku disebabkan kecewa dan putus asa dengan cinta sehingga beralih kepada cinta sesama jenis.



MUSLIMIN YANG DIRAHMATI ALLAH,

Isu kecelaruan seksual atau cinta songsang bukanlah suatu yang baru. Bahkan permasalahan ini sudah lama berlaku dalam kalangan umat Nabi Luth عَلَيْهِ السَّلَام. Firman Allah سُبْحَانَهُ وَتَعَالَى di dalam surah Al A'raf ayat 80 hingga 81:

وَلُوطًا إِذْ قَالَ لِقَوْمِهِ أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِنَ الْعَالَمِينَ ﴿٨٠﴾
إِنَّكُمْ لَتَأْتُونَ الرِّجَالَ شَهْوَةً مِنْ دُونِ النِّسَاءِ ۚ بَلْ أَنْتُمْ قَوْمٌ مُّسْرِفُونَ ﴿٨١﴾

Maksudnya: “Dan Nabi Luth (juga Kami utuskan). (Ingatlah) tatkala dia berkata kepada kaumnya. “Patutkah kamu melakukan perbuatan keji yang tidak pernah dilakukan oleh seorang pun daripada penduduk alam ini sebelum kamu? Sesungguhnya kamu mendatangi lelaki untuk memuaskan nafsu syahwat kamu dengan meninggalkan perempuan, bahkan kamu ini adalah kaum yang melampaui batas.”

Sebagai sebuah agama yang syumul, Islam meraikan naluri atau keinginan semulajadi manusia. Naluri keinginan manusia boleh disalurkan menerusi jalan yang halal dan diredai Allah سُبْحَانَهُ وَتَعَالَى. Tujuannya ialah untuk melahirkan zuriat dan keturunan yang suci. Naluri keinginan songsang hanya akan menyebabkan masyarakat akan menjadi kucar-kacir.

Ia juga menyebabkan masyarakat terhindar daripada rahmat Allah صَلَّى اللَّهُ عَلَيْهِ وَسَلَّمَ. Sabda Nabi :
سُبْحَانَهُ وَتَعَالَى

لَعَنَ اللَّهُ مَنْ عَمِلَ عَمَلِ قَوْمِ لُوطٍ، ثَلَاثًا

Maksudnya: “Allah melaknat siapa sahaja yang melakukan perbuatan kaum Luth, (Baginda mengulangnya sebanyak tiga kali).”

(Hadis Riwayat Imam Ahmad)

Bahkan dari sudut pandangan kesihatan juga turut senada dengan larangan Rasulullah ﷺ ini. Menurut pakar virologi Universiti Malaya, Prof. Dr. Sazali Abu Bakar, kebarangkalian golongan LGBT dijangkiti penyakit AIDS serta virus lain seperti cacar monyet adalah sangat tinggi. Bahkan menurut statistik yang dikeluarkan oleh Kementerian Kesihatan Sektor HIV/Penyakit Jangkitan Kelamin (STI), Bahagian Kawalan Penyakit pada tahun 2017 menunjukkan hampir 1,697 individu yang mengamalkan seks songsang seperti homoseksual dan biseksual merupakan penghidap HIV.

Mimbar menzahirkan rasa kecewa yang sangat mendalam apabila statistik menunjukkan bahawa 54 peratus daripada 3,347 jumlah keseluruhan kes iaitu sebanyak 1,800 individu baharu penghidap HIV merupakan orang Melayu. Amaran dan peringatan berkaitan azab yang bakal diterima oleh golongan ini telah dijelaskan oleh Allah ﷻ di dalam Al Quran. Allah berfirman dalam surah Al Hijr, ayat 73-77:

فَأَخَذْنَاهُمُ الصَّيْحَةَ مُشْرِقِينَ ﴿٧٣﴾ فَجَعَلْنَا عَلَيْهِمَا سَافِلَهَا وَأَمْطَرْنَا عَلَيْهِمْ حِجَارَةً مِّن سِجِّيلٍ ﴿٧٤﴾ إِنَّ فِي ذَٰلِكَ لَآيَاتٍ لِّلْمُتَوَسِّمِينَ ﴿٧٥﴾ وَإِنَّهَا لِبِسْبِيلٍ مُّقِيمٍ ﴿٧٦﴾ إِنَّ فِي ذَٰلِكَ لَآيَةً لِّلْمُؤْمِنِينَ ﴿٧٧﴾

Maksudnya: “Akhirnya mereka pun dibinasakan oleh letusan suara yang mengemparkan bumi, ketika matahari terbit. Maka Kami jadikan bahagian atas kota itu terbalik ke bawah dan Kami hujani mereka dengan batu dari tanah yang dibakar. Sesungguhnya balasan azab yang demikian itu mengandungi tanda-tanda bagi orang-orang yang memerhati dan memikirkannya. Dan sesungguhnya negeri kaum Luth yang telah dibinasakan itu, terletak di jalanan yang tetap (dilalui manusia). Sesungguhnya pada yang demikian itu mengandungi tanda-tanda yang memberi kesedaran kepada orang-orang yang beriman.”

SIDANG JUMAAT YANG DIRAHMATI ALLAH SEKALIAN,



Amaran dan peringatan berkaitan azab yang bakal diterima oleh golongan ini telah dijelaskan oleh Allah ﷻ di dalam Al Quran. Azab yang diterima oleh kaum Nabi Luth tidak pernah lagi diberikan pada mana-mana umat terdahulu dari mereka. Tiga peringkat azab yang ditimpakan ke atas mereka adalah:

Pertama: Suara pekikan malaikat ketika matahari terbit di waktu pagi.

Kedua: Ditimpakan hujan batu daripada tanah liat yang panas.

Ketiga: Diterbalikkan kota dan seluruh penduduknya.

Sebagai langkah penyelesaian bagi isu ini, mimbar mencadangkan beberapa langkah yang perlu diambil seperti berikut:

Pertama: Kembali kepada fitrah kerana rahmat Allah ﷻ Maha Luas. Allah sedia mengampuni semua kesalahan hamba-Nya dan sangat kasih kepada hamba-Nya.

Kedua: Jauhi rakan yang membawa ke arah cinta songsang dan aktiviti-aktiviti yang mendorong kepada gejala ini. Dekatkan diri kepada ulama', ilmunan dan golongan yang baik atau *muhsinin* serta penuhkan masa lapang dengan aktiviti yang memberikan manfaat.

Ketiga: Ibu bapa perlu memainkan peranan sebagai penyemai benih iman agar menjauhi segala larangan Allah ini sejak kecil lagi selain memantau aktiviti dan pergaulan dengan rakan-rakan mereka.

Keempat: Guru-guru di asrama dan pusat-pusat pengajian khasnya perlu memantau para pelajar.

Kelima: Selain daripada tindakan tegas dan hukuman, golongan ini juga perlu disantuni dengan memperbanyakkan program-program islah, penghayatan agama dan sebagainya oleh semua pihak.

SIDANG JUMAAT YANG DIMULIAKAN ALLAH SEKALIAN,

Kesimpulan daripada khutbah pada hari ini ialah:



1. Cinta songsang merupakan aktiviti yang sangat dikeji di dalam Islam.
2. Masih ada peluang untuk berubah dan berhijrah kerana rahmat Allah Maha Luas.
3. Peranan ibu bapa, pendidik, pasangan suami isteri serta pihak berkuasa penting bagi menangani isu ini secara bersama.

Firman Allah dalam surah An Nisa' ayat 27:

وَاللَّهُ يُرِيدُ أَنْ يَتُوبَ عَلَيْكُمْ وَيُرِيدُ الَّذِينَ يَتَّبِعُونَ الشَّهَوَاتِ أَنْ تَمِيلُوا مَيْلًا

عَظِيمًا ﴿٢٧﴾

Maksudnya: "Dan Allah hendak menerima taubatmu, sedang orang-orang yang mengikuti hawa nafsu (yang diharamkan oleh Allah) hendak (mendorong kamu) supaya berpaling (daripada kebenaran) dengan penyelewengan yang besar bahayanya."

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



خطبة كدوا بولن مچ

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَءَنَا وَوَلَاةَ أُمُورِنَا.



اللَّهُمَّ وَفَّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.



Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ،
وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾